

Pregled Dokumentata| Broj 11/25

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 11/25

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 53. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Kantona Sarajevo, na 66. sjednici održanoj 06.03.2025. godine, donijela je

UREDBU**O IZMJENAMA I DOPUNAMA UREDBE O NAČELIMA ZA UTVRĐIVANJE UNUTRAŠNJE ORGANIZACIJE KANTONALNIH, GRADSKIH I OPĆINSKIH ORGANA UPRAVE I UPRAVNIH ORGANIZACIJA****Član 1.
(Izmjena člana 16.)**

U Uredbi o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", broj 36/06, 8/12, 39/16, 13/22 i 41/22), u članu 16. stav (4) riječi: "Uredu za borbu protiv korupcije i upravljanje kvalitetom Kantona Sarajevo" zamjenjuju se riječima: "Uredu za borbu protiv korupcije Kantona Sarajevo".

**Član 2.
(Izmjena i dopuna člana 27.)**

(1) U članu 27. u nazivu člana veznik "i" zamjenjuje se interpunkcijskim znakom "zarezom", a iza riječi: "sekretara", dodaju se riječi: "i savjetnika".

(2) U članu 27. st. (1) i (2) mijenjaju se i glase:

"(1) U okviru sistematizacije radnih mjesta utvrđuju se radna mjesta rukovodilaca organizacionih jedinica i ostalih državnih službenika i namještenika, osim radnog mjesta rukovodioca, sekretara organa i savjetnika rukovodioca.

(2) Radno mjesto rukovodioca, radno mjesto sekretara organa i savjetnika rukovodioca, utvrđuje se u poglavlju pravilnika koji se odnosi na rukovođenje."

**Član 3.
(Novi član 32.)**

Iza člana 31., dodaje se novi član 32. koji glasi:

**"Član 32.
(Savjetnik rukovodioca)**

(1) Ako se, u skladu sa Zakonom o državnoj službi u Kantonu Sarajevo ("Službene novine Kantona Sarajevo", broj 31/16, 45/19 i 6/25), utvrđuje radno mjesto savjetnika rukovodioca, u tom slučaju to radno mjesto utvrđuje se iza podnaslova koji se odnosi na rukovođenje i odgovornost u rukovođenju unutrašnjim organizacionim jedinicama.

(2) Za radno mjesto savjetnika utvrđuje se naziv radnog mjesta, opis poslova i uvjeti u pogledu vrste visoke školske spreme, radni staž i druga pitanja koja predstavljaju uvjete za vršenje poslova iz opisa radnog mjesta, s tim da se ta pitanja uređuju posebno za svakog savjetnika koji se predviđa, ako savjetnici obavljaju različite vrste poslova."

Član 4.
(Ovlaštenje za izradu prečišćenog teksta)

Ovlašćuje se Ured za zakonodavstvo Vlade Kantona Sarajevo da utvrdi Prečišćeni tekst Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija, u roku od šest mjeseci od dana stupanja na snagu ove uredbe.

Član 5.
(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-7346-3/25
06. marta 2025. godine
Sarajevo

Premijer
Nihad Uk, s. r.